

A Mhìc nan neul,
Tha guth do bhéil
A' cur 'an céill
Gu bheil thu'n gaol:—
Gun dol do'n t-saogh'l
Os ceann nan reul,
Cha-n fhaighear sgeul
Air dad cho nèamhaidh,
shòlasach !

O! sud thu 'n àird—
Mar chaidh am fàidh
Do thìr an àigh,—
No anam Bàird,
'Nuair leaghas gràdh
A chridhe blàth,
'S e 'seinn a dhàin
Do'n rìbhinn mhàlt is Ceòl-
raidh dha.

Feuch mar d' fhuair thu
Nis a suas ort!
Neòil mu'n cuairt ort,
Ceòl a's suaimhneas;—
'Bheil do smuaintean,

Air do luaidh 'n sin?
No 'm fàth duain dhuit
Rìgh nan sluagh a ghlòireachadh?

Pill, mo leug thu!
Pill mu'n téid thu
Far nach feud mi
Tuillidh d' éisdeachd,
'S mu 'm fàg trèubhan
Binn nan speuran
Air bheag glèusaidh
An clàir fèin, a dh-fhòghlum
uait !

O! stad dhe d' dhuain,
Tha 'n là 'san uaigh;
Tha 'ghrian 'sa' chuan;
Tha 'n druid 'na suain;
Tha 'n rionnag shuas:—
A nuas, a nuas,
A's faigh do dhuais
'An cneas do luaidh—'so
GHLÒMUIN E.

DO 'N GHREIN.

O! thusa fèin a shiubhlas shuas
Cruinn mar làn-sgiath chruaidh nan triath,
Cia as tha do dhearsa gun ghruaim,
Do sholas a ta buan, a ghrian?
Thig thu ann ad àille thrèin,
Is foluichidh réil uainn an triall,
A' ghealach 'g a dubhadh san speur
'G a cleith fèin fo stuaidh 'san iar.
Tha thusa ann ad astar a mhàin,
Co tha dàna bhi 'nad chòir?